

Նորին Սրբութեան մակագրութեամբ յանձնուեց Սինոդին ս. Էջմիածնի Եղբայրական Օգնութեան Գլխաւոր Կարգադիր Յանձնաժողովի միջոցով ստացուած՝ Խարբինից, պ. Գրձելեանից յօգուտ հայ կամաւորների 165 ռուբլի, Կերչի քաղաքապետից յօգուտ գաղթականաց — 2015 ռուբլի և Արմաւրի Հայոց Բարեգործական Ընկերութիւնից 400 ռուբլի (որից 200 ռուբլին յօգուտ գաղթականաց, իսկ 200 ռուբլին յօգուտ որբ երեխաների ապաստարանին), պատուիրելով մուծել մտից մատեան առանձին-առանձին և իւրաքանչիւրին առանձին անդորրագիր ուղարկել: 30 մայիսի, թ. 942:

ՆՈՐԻՆ ՎԵՀԱՓԱՌՈՒԹԵԱՆ ՊԱՐԳԵԻԱՏՐՈՒԹԻՒՆՆԵՐԸ.

Կոնդակ Մակուի Տ. Արսէն քահանայի անունով, որով, Ատրպատականի թեմական Առաջնորդի միջնորդութեան համաձայն, քահանայական լանջախաչ կրելու իրաւունք տրուեց: 2 մայիսի, թ. 779:

ՔԱՂՈՒԱԾՆԵՐ ՍԻՆՈԴԻ ՕՐԱԳՐԵՐԻՑ.

Սինոդը՝ լսելով Վրաստանի Կոնսիստորիայի 1914 թ. մարտի 12-ի, թ. 1254 յայտարարութիւնը — 1913 թ. վիճակային և օտարին արդեանց մատեանների զննութեան մասին՝ որոշեց. պատուիրել Վրաստանի և Իմերեթի Կոնսիստորիային նախ՝ անմիջապէս փոխադրել Սինոդ թէ 1913 թ. և թէ 1914 թ. վիճակային արդեանց ֆացորդները, երկրորդ՝ ստանալ Տփլիսի եկեղեցիների հոգաբարձութիւնից Տ. Մեսրոպ եպիսկոպոսի ընդունելութեան համար փոխարինարար վճարած յիսուն (50) ռուբլին և մուտք գրել 1915 թ. մատեանում. երրորդ՝ անմիջապէս ուղարկել Տալարանի Վարչութեան տպարանական բոլոր գումարները. չորրորդ՝ ճշտութեամբ կատարել Սինոդի 1911 թ.